

四庫全書薈要

• 乾隆御覽本

史部

欽定四庫全書薈要

史部

資治通鑑卷一百

二十一

詳校官編修臣汪鏞



資治通鑑卷一百二十

宋司馬光撰

胡三省音註

紀二 起開逢困敦盡強
國單閼凡四年

太祖文皇帝上之上

諱義隆小字車兒
武帝第三子也

元嘉元年

是年八月
始改元

春正月

考異曰宋本紀正月癸巳
朔日有食之宋紀二月己

巳宋略二月癸巳李延壽南史二月己卯朔皆誤也按
長歷是年正月丁巳二月丁亥朔後魏書紀志是年無

日食今
從之

魏改元始光

丙寅魏安定殤王彌卒

營陽

王居喪無禮好與左右狎暱

好到翻下情好同

遊戲無度特進

致仕范泰上封事曰伏聞陛下時在後園頗習武備鼓

鞞在宮聲聞于外

鞞與鞞同音駢迷翻聞音問

黷武掖庭之內誼譁

省闕之間非徒不足以威四夷祇生遠近之怪陛下踐

祚委政宰臣實同高宗諒闇之美

闇讀如陰

而更親狎小人

懼非社稷至計經世之道也不聽泰寧之子也

范寧汪之子以

儒學為孝武帝所親

南豫州刺史廬陵王義真警悟愛文義而性

輕易

易以鼓翻

與太子左衛率謝靈運員外常侍顏延之

魏曹

之末置員外散騎常侍率所律翻

慧琳道人情好款密嘗云得志之日

以靈運延之為宰相慧琳為西豫州都督

西豫州即豫州也宋南豫

州治歷陽豫州治壽陽壽陽在歷陽西故亦謂豫州為西豫州

靈運玄之孫也

靈運玄子瑒之

子性褊傲不遵法度

編方

朝廷但以文義處之

處昌

不

以為有實用靈運自謂才能宜參權要常懷憤邑延之

含之曾孫也

顏含見九十六卷晉成帝咸康四年

嗜酒放縱徐羨之等惡

義真與靈運等遊義真故吏范晏從容戒之義真曰靈

運空疎延之隘薄魏文帝所謂古今文人類不護細行

者也

惡鳥路翻從千容翻行下孟翻

但性情所得未能忘言於悟賞耳

悟開覺也賞褒嘉也

於是羨之等以為靈運延之構扇異同非毀

執政出靈運為永嘉太守延之為始安太守

守式又翻

義真

在歷陽多所求索執政每裁量不盡與

裁剝節也量舉度也索山客翻

量音良

義真深怨之數有不平之言

數所角翻

又表求還都諮

議參軍廬江何尚之屢諫不聽時羨之等已密謀廢帝

而次立者應在義真乃因義真與帝有隙先奏列其罪

惡廢為庶人徙新安郡前吉陽令堂邑張約之上疏曰

吉陽縣屬廬陵郡今吉州有吉水縣
蓋吳立縣於吉水之陽因以為名也廬陵王少蒙先皇

優慈之遇長受陛下睦愛之恩故在心必言所懷必亮

亮信也明也導也言義真凡有所懷自信以為是必明而導之無所回避也少詩照翻長知兩翻容犯

臣子之道致招驕恣之愆言容有犯臣道之事以致招驕恣之罪至於天

姿夙成實有卓然之美宜在容養錄善掩瑕訓盡義方

進退以漸今猥加剝辱幽徙遠郡剝辱謂褫爵為庶人上傷陛下

常棣之篤下令遠近恇然失圖恒去王翻臣伏思大宋開基

造次造七到翻根條未繁宜廣樹藩戚敦睦以道人誰無過

貴能自新以武皇之愛子陛下之懿弟豈可以其一眚長致淪棄哉書奏以約之為梁州府叅軍尋殺之夏

四月甲辰魏主東巡大寧秦王熾磐遣鎮南將軍吉

毗等帥步騎一萬南伐白苟車孚崔提旁為四國皆降

之白狗國至唐猶存蓋生羌也其地與東會州接車孚崔提旁為無所考帥讀曰率騎奇寄翻降戶江翻

徐羨之等以南兖州刺史檀道濟沈約曰中原亂北

成帝立南兖州寄治京口文先朝舊將威服殿省且有帝始割江淮間為境治廣陵

兵衆乃召道濟及江州刺史王弘入朝將即亮翻五月

朝直遙翻

皆至建康以廢立之謀告之甲申謝晦以領軍府屋敗
悉令家人出外聚將士於府內又使中書舍人邢安泰
潘盛為內應夜邀檀道濟同宿晦悚動不得眠道濟就
寢便熟晦以此服之

服其處大事而不變其常度也

時帝於華林園為

列肆親自沽賣又與左右引船為樂夕遊天淵池即龍

舟而寢

樂音洛魏氏作華林園天淵池於洛中晉氏南渡放其制作之於建康華林園在宮城北隅

乙酉詰旦

詰去吉翻

道濟引兵居前羨之等繼其後入自雲

龍門安泰等先誠宿衛莫有禦者帝未興軍士進殺二

侍者傷帝指扶出東閣收璽綬

璽斯氏翻綬音受

羣臣拜辭衛

送故太子宮侍中程道惠勸羨之等立皇弟南豫州刺

史義恭羨之等以宜都王義隆素有令望又多符瑞

景平

初有黑龍見西方五色雲隨之二年江陵城上有紫雲望氣者皆以為帝王之符當在西方又江陵西至上明及江津其間有九十九洲楚諺云洲滿百當出王者時忽有一洲自生汀流迴薄而成皆為上龍飛之應乃

稱皇太后令數帝過惡

數所具翻

廢為營陽王以宜都王纂

承大統赦死罪以下又稱皇太后令奉還璽綬

綬音弗

并

廢皇后為營陽王妃遷營陽王於吳使檀道濟入守朝

堂

通朝直

王至吳止金昌亭六月癸丑羨之等使邢安泰

就弑之王多力突走出昌門

金昌亭在昌門內孫權記注云閭門吳西郭門夫差

作以天門通閭閭故名之後春秋君改爲昌門金昌亭以其在西門內故曰金昌

追者以門關

陪而弑之

陪蒲北翻

裴子野論曰古者人君養子能言而師授之辭能行

而傳相之禮

相息亮翻

宋之教誨雅異於斯居中則任僕

妾處外則近趨走

處昌呂翻近其新翻趨走執役者也

太子皇子有帥

有侍

帥所類翻

是二職者皆臺阜也

左傳中無字曰制其士臣阜僕臣臺

行止授其法則導達臧否

否音鄙

因弗由之言不及於

禮義識不達於今古謹敕者能勸之以吝嗇狂愚者

或誘之以凶慝

誘音西慝吐得翻

雖有師傅多以耆父大夫

為之雖有友及文學多以膏粱年少為之具位而已

亦弗與遊

王置文學師友各一人晉制也禮五十曰父服官政六十曰耆指使孔穎達曰父者

年至五十氣力已衰陵蒼白如父也賀

幼王臨州長

史行事宣傳教命

州事也

又有典籤往往專恣竊

弄威權

南史曰故事府州部內論事皆籤前直敘所論之事後云謹籤日月下又云某官某籤故

府州置典籤以領之本五品吏宗初改為士職宋末
多以幼少皇子為藩鎮時主以左右親近領典籤其
權任是以本根雖茂而端良甚寡嗣君冲幼世繼姦
遂重

回雖惡物醜類天然自出然習則生常其流遠矣降
及太宗舉天下而棄之亦昵比之為也

昵比至翻

鳴

呼有國有家其鑑之矣

裴子野究言宋氏亡國之禍通鑑載之於此欲使有國有

家謹於其初也

傅亮帥行臺百官奉法駕迎宜都王于江陵

帥讀曰率

祠部

尚書蔡廓

晉氏渡江始有祠部尚書常與右僕射通職不常置以右僕射攝之若右僕射闕則祠部

尚書攝知右事

至尋陽遇疾不堪前亮與之別廓曰營陽在吳

宜厚加供奉一旦不幸卿諸人有弑主之名欲立於世

將可得邪時亮已與羨之議害營陽王乃馳信止之不

及羨之大怒曰與人共計議如何旋背即賣惡於人邪

旋背猶今人言轉背也背如字

羨之等又遣使者殺前廬陵王義真於

新安

即云考異曰宋南史本紀二月廢義真徙新安之下

癸未羨之等遣使殺義真於徙所羨之傳亦云廢帝後殺義真於新安殺帝於吳縣按長曆六月庚寅朔無癸

未蓋癸丑也

羨之以荊州地重恐宜都王至或別用人乃亟

以錄命除領軍將軍謝晦行都督荆湘等七州諸軍事

荊州刺史

錄命錄尚書自出命也

欲令居外為援精兵舊將悉以

配之

義之亮晦所以為身謀者如此而亦無救於廢裁之誅伊霍以至公血誠處之而師春所紀有異於

書蓋不羨于伊尹霍光僅能保其身而不能保其族此天地之大變固人臣之所難居也將即亮翻秋七

月行臺至江陵立行門於城南題曰大司馬門傅亮帥

百僚詣門上表進璽紱儀物甚盛

帥讀曰率上時掌翻璽斯氏翻紱音弗

宜都王時年十八下教曰猥以不德謬降大命顧已兢

悸何以克堪

悸其季翻

輒當暫歸朝廷展哀陵寢并與賢彥

申寫所懷望體其心勿為辭費府州佐史並稱臣請題

榜諸門一依宮省王皆不許教州府國綱紀有所統內

見刑原逋責

州荊州府都督府國宜都國綱紀上佐據屬也見賢遍翻逋欠也負也責如字又仄

懈翻漢書高紀兩家折券棄責無音淮陽王傳張博負責仄懈翻

諸將佐聞營陽廬陵

王死皆以為疑勸王不可東下司馬王華曰先帝有大

功於天下四海所服雖嗣主不綱人望未改徐羨之中

才寒士傅亮布衣諸生非有晉宣帝王大將軍之心明

矣

王大將軍敦也

受寄崇重未容遽敢背德畏廬陵嚴斷

背蒲妹翻

斷丁將來必不自容以殿下寬叡慈仁遠近所知且越

次奉迎冀以見德

冀以定策為德也

悠悠之論殆必不然又羨

之等五人同功並位孰肯相讓

五人謂徐羨之傅亮謝晦檀道濟王弘也

就

懷不軌勢必不行廢主若存慮其將來受禍致此殺害

蓋由貪生過深寧敢一朝頓懷逆志不過欲握權自固

以少主仰待耳殿下但當長驅六轡以副天人之心王

曰卿復欲為宋昌邪

少時照翻復扶又翻宋昌事見十三卷漢高后八年

長史王

曇首南蠻校尉到彥之皆勸王行

姓譜到本自高陽氏楚今尹屈到之後後

漢有東平太守
到質雖徒含翻

曇首仍陳天人符應王乃曰諸公受遺

不容背義

妹背滿翻

且勞臣舊將內外充滿今兵力又足以

制物夫何所疑乃命王華摠後任留鎮荊州王欲使到

彥之將兵前驅彥之曰了彼不反

了決知也將即亮翻

便應朝服

順流

朝直遙翻

若使有虞此師既不足恃更開嫌隙之端非

所以副遠邇之望也

彥之此言誠合天理而亦自知其才不足以制權道濟也

會雍

州刺史褚叔度卒

雍於用翻

乃遣彥之權鎮襄陽甲戌王發

江陵引見傅亮號泣哀動左右

見賢通翻號戶高翻

既而問義真

及少帝薨廢本末

少詩照翻

悲哭嗚咽侍側者莫能仰視亮

流汗沾背不能對乃布腹心於到彥之王華等深自結

納王以府州文武嚴兵自衛臺所遣百官衆力不得近

部伍

近其斯翻

中兵叅軍朱容子抱刀處王所乘舟戶外不

解帶者累旬

防非常也處昌呂翻

魏主還宮

秦王熾磐遣太

子暮末帥征北將軍木奕干等步騎三萬出貂渠谷攻

河西白草嶺臨松郡皆破之

水經註西平鮮谷塞東南有白草嶺帥讀曰率騎奇

徙民二萬餘口而還

還徙宜翻

八月丙申宜都王至建

康羣臣迎拜於新亭徐羨之問傅亮曰王可方誰亮曰

晉文景以上人羨之曰必能明我赤心亮曰不然

亮固知其

不得免矣

丁酉王謁初寧陵還止中堂

晉孝武以太學在秦淮南去臺城懸遠權

以中堂爲太學親釋奠於先聖則中堂亦在秦淮北但在臺城之外耳

百官奉璽綬

綬音受

王辭讓數四乃受之即皇帝位于中堂備法駕入宮御

太極前殿大赦改元文武賜位二等戊戌謁太廟詔復

廬陵王先封迎其柩及孫脩華謝妃還建康

孫脩華義真之母謝

義真之妃也南史云晉武帝采漢魏之制以淑妃淑媛淑儀脩華脩容脩儀婕妤好容華充華是爲九嬪位視九

卿李延壽曰貴嬪魏文帝所制夫人魏武初建魏國所
制貴人漢光武所制晉為三夫人位視三公淑妃魏明
帝所制淑媛魏文帝所制淑儀隋華晉武帝所制隋容
魏文帝所制隋儀魏明帝所制婕妤容華前漢舊疏充
華晉武帝所制美
人漢光武所制

庚子以行荊州刺史謝晦為真晦將

行與蔡廓別屏人問曰

屏必耶翻

吾其免乎廓曰卿受先帝

顧命任以社稷廢昏立明義無不可但殺人二兄而以

之北面挾震主之威據上流之重以古推今自免為難

蔡廓父子以亮直名于宋朝觀其抗言無所避就若不
足以保身而卒能以身名終何也蓋其素行已孚乎人
而言事無所依違又所以遂其直彼其問者方昧于利
害就以求決則聽之也固合于心而馬敢以為諱乎

晦始懼不得去既發顧望石頭城喜曰今得脫矣癸卯

徐羨之進位司徒王弘進位司空傅亮加開府儀同三

司謝晦進號衛將軍檀道濟進號征北將軍

謝晦自領軍將軍進

號檀道濟自鎮北將軍進號

有司奏車駕依故事臨華林園聽訟詔

曰政刑多所未悉可如先者二公推訊

二公謂徐羨之王弘帝以

王曇首王華為侍中曇首領右衛將軍華領驍騎將軍

朱容子為右軍將軍

魏明帝有左軍將軍晉武帝置前軍右軍又置後軍是為四軍驍騎

將軍游擊將軍並漢雜號將軍也魏置為中軍及晉以領護左右衛驍騎游擊為六軍驍堅堯翻騎奇翻

甲辰追尊帝母胡婕妤曰章皇后

婕妤音接予謹法敬慎高明曰章

封皇弟義恭為江夏王

夏戶雅翻

義宣為竟陵王義季為衡

陽王仍以義宣為左將軍鎮石頭徐羨之等欲即以到

彥之為雍州

雍於用翻

帝不許徵彥之為中領軍委以戎政

彥之自襄陽南下謝晦已至鎮慮彥之不過已

過古禾翻

彥

之至楊口步往江陵深布誠款晦亦厚自結納彥之留

馬及利劍名刀以與晦晦由此大安柔然紇升蓋可

汗聞魏太宗殂將六萬騎入雲中殺掠吏民攻拔盛樂

宮

魏之先什翼犍始居雲中之盛樂宮築盛樂城於故城南八里紇戶骨翻可從刊入聲汗音寒將即亮翻

騎奇寄翻樂音洛

魏世祖自將輕騎討之三日二夜至雲中紇

升蓋引騎圍魏主五十餘重騎逼馬首相次如堵將士

大懼魏主顏色自若衆情乃安紇升蓋以弟子於陟斤

為大將魏人射殺之紇升蓋懼遁去

重直龍翻射而亦翻考異曰後魏

本紀云赭楊子尉普文率輕騎討之虜乃退走李延壽北史紀云帝帥輕騎討之虜乃退走今據蠕蠕傳從北

史尚書令劉絜言於魏主曰大檀自恃其衆必將復來

又復扶翻請俟收田畢大發兵為二道東西並進以討之魏

主然之 九月丙子立妃袁氏為皇后耽之曾孫也

袁耽

見九十五卷成帝咸康元年

冬十月吐谷渾威王阿柴卒阿柴有

子二十人疾病召諸子弟謂之曰先公車騎以大業之

故捨其子拾虔而授孤孤敢私於緯代而忘先君之志

乎

先公謂樹洛干也樹洛干自號車騎將軍授阿柴國見一百一十八卷晉安帝義熙十三年緯于貴翻

我死汝曹當奉慕瓚為主緯代者阿柴之長子慕瓚者

阿柴之母弟叔父烏紇提之子也

烏紇提之立也妻樹洛干母生二子慕瓚

慕利延緯於貴翻瓚姑回翻提當作提

阿柴又命諸子各獻一箭取一箭

授其弟慕利延使折之慕利延折之又取十九箭使折

之慕利延不能折

折而設翻

阿柴乃諭之曰汝曹知之乎孤

則易折

易以鼓翻

衆則難摧汝曹當勦力一心然後可以保

國寧家言終而卒慕瓚亦有才略撫秦涼失業之民及

氐羌雜種至五六百落部衆轉盛

種章勇翻

十二月魏主

命安集將軍長孫翰安北將軍尉眷北擊柔然魏主自

將屯柞山

柞山在平城之西大河之東柞則洛翻

柔然北遁諸軍追之大

獲而還翰肥之子也

長孫肥事魏主珪為將數有功

詔拜營陽王母

張氏為營陽太妃 林邑王范陽邁寇日南九德諸郡

沈約曰九德郡故屬九真孫吳分立九德郡隋唐為驩州

宕昌王梁彌忽遣子彌

黃入見于魏

宕徙浪翻見賢通翻

宕昌羌之別種也羌地東接中

國西通西域長數千里

長直亮翻

各有酋帥部落分地不相

統攝而宕昌最彊有民二萬餘落諸種畏之

北史曰宕昌蓋三苗

之肩杜佑曰其界自仇池以西東西千里席水以南南北八百里地多山阜宕徙浪翻酋慈由翻帥所類翻種

章勇翻

夏主將廢太子瓚而立少子酒泉公倫瓚聞之

將兵七萬北伐倫

瓚錄南臺自長安北伐倫瓚姑倫將回翻少詩照翻將即亮翻下同

騎三萬拒之戰于高平倫敗死倫兄太原公昌將騎一

萬襲瓚殺之并其衆八萬五千歸于統萬夏主大悅立

昌為太子夏主好自矜大

好呼到翻

名其四門東曰招魏南

曰朝宋西曰服涼北曰平朔

朝直遙翻

二年春正月徐羨之傳亮上表歸政表三上

上時掌翻

帝乃

許之丙寅始親萬機羨之仍遜位還第徐珮之程道惠

及吳興太守王韶之等並謂非宜

守式又翻

敦勸甚苦乃復

奉詔視事

速徐傳之死者珮之諸公也復扶又翻

辛未帝祀南郊大赦

己卯魏主還平城 二月燕有女子化為男燕主以

問羣臣尚書左丞傅權對曰西漢之末雌雞化為雄猶

有王莽之禍

漢書五行志宣帝黃龍元年未央殿輅軫中雌雞化為雄毛衣變化而不鳴不將無

距元帝初元丞相府史家雌雞伏子漸化為雄冠距鳴將其後王后羣弟世權以至於莽遂塞天下況今

女化為男臣將為君之兆也 三月丙寅魏主尊保母

竇氏為保太后密后之殂也

密后即魏主之母杜貴嬪

世祖尚幼太

宗以竇氏慈良有操行

行下孟翻

使保養之竇氏撫視有恩

訓導有禮世祖德之故加以尊號奉養不異所生

養羊亮翻

丁巳魏以長孫嵩為太尉長孫翰為司徒奚斤為司

空夏四月秦王熾磐遣平遠將軍叱盧捷等襲河西

鎮南將軍沮渠白蹄於臨松擒之徙其民五千餘戶於

枹罕

魏居言翻沮子
余翻枹音膚

魏主遣龍驤將軍步堆等來聘

始復通好

魏書官氏志西方步鹿孤氏改為步
氏驥思將翻復扶又翻好呀到翻

六月

武都惠文王楊盛卒初盛聞晉亡不改義熙年號謂世

子玄曰吾老矣當終為晉臣汝善事宋帝及盛卒

平子
恒翻

玄自稱都督隴右諸軍事征西大將軍開府儀同三司

秦州刺史武都王遣使來告喪始用元嘉年號

使疏吏翻

秋七月秦王熾磐遣鎮南將軍吉毗等南擊黑水羌酋

丘擔大破之

黑水羌在鄯至西北水經註曰白水出臨洮縣西南西傾山東南流與黑水合黑水

出羌中西南還黑水城西又西南入于白水擔都甘翻

八月夏武烈帝殂葬嘉

平陵廟號世祖太子昌即皇帝位

昌字暹國勃勃第二子也

大赦改

元承光 王弘自以始不預定策不受司空表讓彌年

乃許之

弘以此得免徐傳之禍

乙酉以弘為車騎大將軍開府儀

同三司

騎奇寄翻

冬十月丘擔以其衆降秦

降戶江翻

秦以擔

為歸善將軍拜折衝將軍乞伏信帝為平羌校尉以鎮之 癸卯魏主大伐柔然五道並進長孫翰等從東道

出黑漠

考異曰翰傳云與城清出長川今從蠕蠕傳

廷尉卿長孫道生等出

白黑二漠之間

長川牛川同是大漠之地拓拔分其地名耳長川有白黑二漠黑在東白在西

魏主從中道東平公娥清出栗園

栗園在中道之西西道之東 考異曰清

傳云與長孫翰出長川今從蠕蠕傳

奚斤等從西道出爾寒山諸軍至漠

南舍輜重

舍積曰捨重直用翻

輕騎齎十五日糧度漠擊之

騎奇奇翻

柔然部落大驚絕迹北走 十一月以武都世子玄為

北秦州刺史武都王

時南秦州治漢中故以武都為北秦州考異曰宋本紀秦百南史

庚午十一月壬午朔無

初會稽孔甯子為帝鎮西

諮議參軍

會工外朝

及即位以甯子為步兵校尉與侍中王

華並有富貴之願疾徐羨之傅亮專權日夜搆之於帝

史言徐傅偏上固當誅而王華等之構間亦非也

會謝晦二女當適彭城王義

康新野侯義賓遣其妻曹氏及長子世休送女至建康

帝欲誅羨之亮并發兵討晦聲言當伐魏又言拜京陵

京陵與

治行裝艦

治直之翻艦戶煎翻

亮與晦書曰薄伐河朔事

欽定四庫全書

卷一百二十

十六

猶未已朝野之慮憂懼者多又言朝士多諫北征

朝直

上當遣外監萬幼宗往相諮訪

南史曰制局監外監領器仗兵役多以孽倖為

之時朝廷處分異常其謀頗泄

處昌昌翻分扶問翻

三年春正月謝晦弟黃門侍郎瞻馳使告晦

瞻子晦猶

謂不然以傅亮書示諮議參軍何承天曰計幼宗一二

日必至傅公慮我好事故先遣此書承天曰外間所聞

咸謂西討已定幼宗豈有上理

好事猶言好生事微省其辭若隱語然好呼到

翻上時晦尚謂虛妄使承天豫立答詔啟草言伐虜宜

須明年江夏內史程道惠得尋陽人書

夏戶雅

言朝廷

將有大處分其事已審使其輔國府中兵參軍樂回封

以示晦

道惠蓋帶輔國將軍也

晦問承天曰若果爾卿令我云何

對曰蒙將軍殊顧常思報德事變至矣何敢隱情然明

日戒嚴動用軍法區區所懷懼不得盡晦懼曰卿豈欲

我自裁邪承天曰尚未至此以王者之重舉天下以攻

一州大小既殊逆順又異境外求全上計也其次以腹

心將兵屯義陽將軍自帥大眾戰於夏口若敗即趨義

欽定四庫全書

卷一百二十

十七

陽以出北境其次也

承天二策皆勸晦奔魏以求全晦將即亮翻帥讀曰率趨七喻翻

良久白荊州用武之地兵糧易給卿且決戰走復何晚

易以鼓翻復扶又翻

乃使承天造立表檄又與衛軍諮議參軍琅

邪顏邵謀舉兵

晦帶衛將軍

邵飲藥而死晦立幡戒嚴謂司

馬庾登之曰今當自下欲屈卿以三千人守城備禦劉

粹登之曰下官親老在都又素無部眾情計二三不敢

受此旨晦仍問諸將佐戰士三千足守城否南蠻司馬

周超對曰非徒守城而已若有外寇可以立功

超蓋為南蠻校

尉府司馬

登之因曰超必能辦下官請解司馬南郡以授之

登之晦府司馬領南郡太守乞解以授超

晦即於坐命超為司馬領南義陽

太守

沈約曰晉末以義陽流民僑立南義陽郡屬荊州領縣西平氏二縣坐沮卧翻

轉登之為

長史南郡如故登之蘊之孫也

庾蘊死于海西之廢

帝以王弘檀

道濟始不預廢弒之謀弘弟曇首又為帝所親委事將

發密使報弘且召道濟欲使討晦王華等皆以為不可

帝曰道濟止於脅從本非創謀殺害之事又所不關吾

撫而使之必將無慮乙丑道濟至建康丙寅下詔暴羨

之亮晦殺營陽廬陵王之罪命有司誅之且曰晦據有

上流或不即罪

即就也

朕當親帥六師為其過防

帥讀曰率

可

遣中領軍到彥之即日電發征北將軍檀道濟駱驛繼

路符衛軍府州以時收翦

符衛軍府及荊州官屬使收誅晦也

已命雍州

刺史劉粹等

雍於用翻

斷其走伏

走逃也伏匿也斷其逃匿之路也斷丁管翻

罪

止元凶餘無所問是日詔召羨之亮羨之行至西明門

外

洛城西面有廣陽西明閭闔三門建康倣之

謝朓正直

朓為黃門侍郎正入直省內也

遣

報亮云殿內有異處分亮辭以嫂病暫還遣使報羨之

羨之還西州

楊州刺史治臺城西故曰西州

乘內人問訊車出郭步走

至新林

新林浦去建康城二十里

入陶竈中自經死亮乘車出郭門

乘馬奔兄迪墓屯騎校尉郭泓收之至廣莫門

廣莫門建康城

北門亦放洛城之制騎寄翻校戶教翻

上遣中書舍人以詔書示亮并謂

曰以公江陵之誠

謂亮迎帝於江陵也

當使諸子無恙亮讀詔書

訖曰亮受先帝布衣之眷遂蒙顧託黜昏立明社稷之

計也欲加之罪其無辭乎

晉大夫里克之言

於是誅亮而徙其

妻子於建安誅羨之二子而宥其兄子珮之又誅晦子

世休收繫謝朓帝將討謝朓問策於檀道濟對曰臣昔

與朓同從北征

事見一百一十八卷晉安帝義熙十三年也

入關十策朓有

其九才略明練殆為少敵然未嘗孤軍決勝戎事恐非

其長

其下當有所字

臣悉朓智朓悉臣勇今奉王命以討之可

未陳而擒也

陳與陣同

丁卯徵王弘為侍中司徒錄尚書事

揚州刺史以彭城王義康為都督荆湘等八州諸軍事

荊州刺史樂岡復遣使告謝朓以徐傅及朓等已誅

復扶

又翻下髡復同使疏吏翻

朓先舉羨之亮哀次發子弟凶問既而自

出射堂勒兵晦從高祖征討指麾處分莫不曲盡其宜

數日間四遠投集得精兵三萬人乃奉表稱羨之亮等

忠貞橫被冤酷

橫戶孟翻

且言臣等若志欲執權不專為國

為于初廢營陽陛下在遠武皇之子尚有童幼擁以號

令誰敢非之豈得汧流三千里

自建康至江陵汧流而上凡三千里

虛館

七旬仰望鸞旗者哉

景平二年五月乙酉廢少帝八月丙申帝至建康凡七旬

故廬

陵王於營陽之世積怨犯上自貽非命不有所廢將何

以興

亦晉里克之言

耿弇不以賊遺君父

此耿弇討張步之言晦引以為言自謂殺

廬陵所以除偏不以累帝也遺于季翻

臣亦何負於宋室邪此皆王弘王

曇首王華險躁猜忌讒構成禍

躁則到翻

今當舉兵以除君

側之惡秦王熾磐復遣使如魏請用師于夏

秦入貢于魏以

請伐夏事始上卷營陽王景平元年復扶又翻使疏吏翻

初袁皇后生皇子劼后

自詳視使馳白帝曰此兒形貌異常必破國亡家不可

舉即欲殺之帝狼狽至后殿戶外手撥幔禁之乃止

為劼

弑逆張本幔莫半翻

以尚在諒闇

闇音陰

故祕之閏月丙戌始言劼

生帝下詔戒嚴大赦諸軍相次進路以討謝晦晦以

弟遜為竟陵內史將萬人摠留任帥衆二萬發江陵列

舟艦自江津至于破冢

將即亮翻帥讀曰率艦戶照翻冢如龍翻

旌旗蔽日

歎曰恨不得以此為勤王之師晦欲遣兵襲湘州刺史

張邵何承天以邵兄益州刺史茂度與晦善曰邵意趣

未可知不宜遽擊之晦以書招邵邵不從 二月戊午

以金紫光祿大夫王敬弘為尚書左僕射

晉制左右光祿大夫金章

紫綬後遂為金紫光祿大夫

建安太守鄭鮮之為右僕射敬弘廡之

曾孫也

王廡見八十九卷晉愍帝建興三年廡羊至翻又逸職翻

庚申上發建康命

王弘與彭城王義康居守入居中書下省

中書有上省
下省守手又

翻

侍中殷景仁參掌留任帝姊會稽長公主留止臺內

摠攝六宮

臺內即禁中會工
外翻長知兩翻

謝晦自江陵東下何承天

留府不從晦至江口

江口即西江
口從才用翻

到彥之已至彭城洲

庾登之據巴陵畏懦不敢進會霖雨連日參軍劉和之

曰彼此共有雨耳檀征北尋至東軍方彊惟宜速戰登

之恇怯使小將陳祐作大囊貯茅懸於帆檣云可以焚

艦

恒去王翻將即亮翻
貯丁呂翻艦戶煎翻

用火宜須晴以緩戰期晦然之

停軍十五日乃使中兵參軍孔延秀攻將軍蕭欣於彭

城洲破之

水經註江水過長沙下爲縣北又東逕彭城口水東有彭城磯

又攻洲口柵

陷之諸將咸欲退還夏口到彥之不可乃保隱圻

水經註江

水自彭城磯東逕如山北山北對隱磯

晦又上表自訟且自矜其捷曰陸

下若臬四凶於廟庭懸三監於絳闕

以王弘王曇首王華比虞之共工驩

兜苗鯀周之管叔叔霍叔也臬堅堯翻

臣便勒衆旋旗還保所任初晦與

徐羨之傅亮爲自全之計以爲晦據上流而檀道濟鎮

廣陵各有彊兵足以制朝廷羨之亮居中秉權可得持

久及聞道濟帥衆來上惶懼無計道濟既至與到彥之

軍合牽艦緣岸晦始見艦數不多輕之不即出戰至晚

因風帆上前後連咽

上時掌翻連謂沿江戰艦連接不斷咽謂戰艦塞江前後填咽

西

人離沮無復鬪心戊辰臺軍至忌置洲尾

沮在呂翻水經註江水東

過長沙下雋縣北湘水自南注之又東左得二夏浦俗謂之西江口又東逕忌置山南又東過彭城口復扶又

翻

列艦過江晦軍一時皆潰晦夜出投巴陵得小船還

江陵先是帝遣雍州刺史劉粹自陸道帥步騎襲江陵

至沙橋

先悉薦翻雍於用翻帥讀曰率下同騎奇寄翻沙橋在江陵北

周超帥萬餘人

逆戰大破之士卒傷死者過半俄而晦敗問至初晦與
粹善以粹子曠之為參軍帝疑之王弘曰粹無私必無
憂也及受命南討一無所顧帝以此嘉之晦亦不殺曠
之遣還粹所丙子帝自蕪湖東還晦至江陵無他處分
惟愧謝周超而已其夜超捨軍單舸詣到彥之降舸古
我翻
晦衆散略盡乃攜其弟遜等七騎北走遜肥壯不能乘
馬晦每待之行不得速己卯至安陸延頭

水經註武口
水上通安陸

之延頭九域志武湖在黃洲界蓋此湖上接延頭也為
杜佑曰武湖在黃洲黃陂縣東黃祖習戰閱武之所

成主光順之所執

成主成副宋齊以下至隋咸有其官姓譜光姓也晉書有光逸

檻送

建康到彥之至馬頭何承天自歸彥之因監荊州府事

監工街翻

以周超為參軍劉粹以沙橋之敗告乃執之於是

誅晦疇遜及其兄弟之子并同黨孔延秀周超等晦女

彭城王妃被髮徒跣與晦訣曰大丈夫當橫尸戰場奈

何狼藉都市

被皮義翻藉而亦翻

庾登之以無任免官禁錮何承

天及南蠻行參軍新興王玄謨等皆見原

據南史王元謨太原祁縣

人漢建安二十年集塞下荒地置新興郡魏黃初初遷于陞嶺之南玄謨蓋本新興人而居太原之祁縣界也

晦之走也左右皆棄之惟延陵蓋追隨不捨帝以蓋為

鎮軍功曹督護

延陵複姓蓋吳延陵季子之後蓋其名也為鎮軍府功曹又兼督護之官也晉

氏渡江有參軍督護功曹參軍兼督護即參軍督護之任也洪适曰參軍督護江左置皆有部曲宋則無矣

晦之起兵引魏南蠻校尉王慧龍為援

魏以王慧龍為南蠻校尉以援

汝穎慧龍帥衆一萬拔思陵戍

思陵戍在陳郡西北

進圍項城聞

晦敗乃退益州刺史張茂度受詔襲江陵晦敗茂度軍

始至白帝議者疑茂度有貳心帝以茂度弟邵有誠節

赦不問代還三月辛巳帝還建康徵謝靈運為祕書監

顏延之為中書侍郎賞遇甚厚帝以惠琳道人善談論

因與議朝廷大事遂參權要賓客輻湊門車常有數十

兩門車謂門前候見之車兩者亮四方贈賂相係方筵七八座上恒滿

琳著高屐若涉略翻披貂裘置通呈書佐通呈典謁之職書佐掌書翰會

稽孔覲嘗詣之遇賓客填咽暄涼而已言但敘寒溫不及餘語會工外

翻覲覲慨然曰遂有黑衣宰相可謂冠屨失所矣廬陵廢而

三人斥徐傅誅而三人夏五月乙未以檀道濟為征南

大將軍開府儀同三司江州刺史到彥之為南豫州刺

史遣散騎常侍袁滄等十六人分行諸州郡縣觀察吏

政訪求民隱

散悉望翻騎奇寄翻行下孟翻

又使郡縣各言損益丙午

上臨延賢堂聽訟

延賢堂在建康華林園

自是每歲三訊

周禮秋官以三

刺斷庶民獄訟

之中一曰訊羣臣二曰訊羣吏三曰訊萬民註云刺殺也三訊罪定則殺之訊言也

左僕

射王敬弘性恬淡有重名關署文案初不省讀

省悉景翻

嘗

預聽訟上問以疑獄敬弘不對上變色問左右何故不

以訊牒副僕射

謂不以訊牒副本納呈敬弘也

敬弘曰臣乃得訊牒讀

之正自不解

解戶買翻曉也

上甚不悅雖加禮敬不復以時務

及之

復扶又翻禮敬不替而不以時務及之此法正勸蜀先主以加禮許靖之智也

六月以右

衛將軍王華為中護軍侍中如故華以王弘輔政王曇

首為上所親任與已相埒

埒龍輟翻

自謂力用不盡每歎息

曰宰相頓有數人天下何由得治

治直吏翻

是時宰相無常

官惟人主所與議論政事委以機密者皆宰相也故華

有是言亦有任侍中而不為宰相者然尚書令僕中書

監令侍中侍郎給事中皆當時要官也華與劉湛王曇

首殷景仁俱為侍中風力局幹冠冕一時上嘗與四人

於合殿宴飲甚悅

合殿在齋閣之後李延壽曰晉世諸帝多處內房朝宴所臨東西二堂而

已考武末年清暑方構永初受命無所改作所居惟稱西殿不製嘉名文帝因之亦有合殿之稱

既罷

出上目送良久歎曰此四賢一時之秀同管喉脣恐後

世難繼也

喉脣言出納王命也

黃門侍郎謝弘微與華等皆上所

重當時號曰五臣弘微琰之從孫也

琰安之子也從才用翻下同

精

神端審時然後言婢僕之前不妄語笑由是尊卑大小

敬之若神從叔混特重之常曰微子異不傷物同不害

正吾無間然

呂大臨曰無間隙可言其失謝顯道曰猶言我無得而議之也嗚呼此江左所謂清

談也問
古蒐翻

上欲封王曇首王華等拊御牀曰此坐非卿兄

弟無復今日因出封詔以示之

以誅徐傳等為曇首
華之功坐徂卧翻

曇

首固辭曰近日之事賴陛下英明罪人斯得臣等豈可

因國之災以為身幸上乃止 魏主詔問公卿今當用

兵赫連蠕蠕二國何先

杜佑曰柔然後魏太武以其無
知狀類於蟲故改其號曰蠕蠕

宋齊謂之芮
芮蠕人兒翻

長孫嵩長孫翰奚斤皆曰赫連土著

著直
略翻

未能為患不如先伐蠕蠕若追而及之可以大獲不及

則獵於陰山取其禽獸皮角以充軍實太常崔浩曰蠕

蠕鳥集獸逃

言其來則如鳥之集走則如獸之逃也

舉大衆追之則不能

及輕兵追之又不足以制敵赫連氏土地不過千里政

刑殘虐人神所棄宜先伐之尚書劉縉武京侯安原請

先伐燕於是魏主自雲中西巡至五原因畋於陰山東

至和兜山

和兜山蓋在陰山之東長川之南

秋八月還平城詔殿中

將軍吉恒聘于魏

恒戶登翻

燕太子永卒立次子翼為太

子秦王熾磐伐河西至廉川遣太子暮末等步騎三

萬攻西安不克又攻番禾河西王蒙遜發兵禦之且遣

使說夏主

騎奇寄翻番音磐使疏吏翻說輸尚翻

使乘虛襲枹罕

枹音膚

夏

主遣征南大將軍呼盧古將騎二萬攻苑川車騎大將

軍韋伐將騎三萬攻南安熾磐聞之引歸

蒙遜借助於夏以退秦師

秦既敵於夏夏亦憤於魏而涼亦不能以自立是以親仁善鄰國之實也

九月徙其境內老

弱畜產於澆河

杜佑曰澆河城在廓州達化縣西一百二十里

及莫河仍寒川

留左丞相曇達守枹罕韋伐攻拔南安獲秦秦州刺史

翟爽南安太守李亮吐谷渾握達等帥部衆二萬落

叛秦奔昴川附於吐谷渾王慕瓚

史言乞伏兵勢漸衰帥瓚曰率瓚姑回翻

大旱蝗左光祿大夫范泰上表曰婦人有三從之義

婦人在室從父母既嫁從夫夫死從子

無自專之道謝晦婦女猶在尚方

惟陛下留意有詔原之魏主聞夏世祖殂諸子相圖

謂倫瑱昌相殺也

國人不安欲伐之長孫嵩等皆曰彼若城守

以逸待勞大檀聞之棄虛入寇此危道也崔浩曰往年

以來熒惑再守羽林鉤已而行其占秦亡

事見一百十七卷晉安帝

義熙十一年

今年五星并出東方利以西伐天人相應不可

失也嵩固爭之帝大怒責嵩在官貪污命武士頓辱之

萬曆事四朝魏之元臣也頓辱梓其首使頓地以辱之

於是遣司空奚斤帥四萬

五千人襲蒲阪

阪音反

宋兵將軍周幾帥萬人襲陝城

陝失

冉以河東太守薛謹為鄉導謹辯之子也

薛辯見一百十八卷晉安

帝義熙十三年

鄉讀曰嚮魏主欲以中書博士平棘李順摠前驅之

兵

平棘縣二漢屬常山晉魏屬趙郡

訪於崔浩浩曰順誠有籌略然臣

與之婚姻深知其為人果於去就不可專委帝乃止浩

與順由是有隙

為後魏主以浩言誅順張本

冬十月丁巳魏主發平

城秦左丞相曇達與夏呼盧古戰於嶺山

曇徒舍嶺丘

同翻 嶺
盧當翻

墨達兵敗十一月呼盧古韋伐進攻枹罕

枹音膚

秦王熾磐遷保定連呼盧古入南城

南城枹罕南

鎮京將軍

趙壽生率死士三百人力戰却之呼盧古韋伐又攻沙

州刺史出連虔于湟河虔遣後將軍乞伏萬年擊敗之

敗補
通翻

又攻西平執安西將軍庫洛干阮戰士五千餘人

掠民二萬餘戶而去 仇池氏楊興平求內附梁南秦

二州刺史吉翰

晉秦始之初立梁州於漢中至安帝之世秦州又治漢中自是鎮漢中者常梁

南秦二遣始平太守龐諶據武興

武興漢武都郡之沮縣也蜀以其地當衝

要置武興督以守之宋立東益州梁立武興蕃王國西魏改東益為興州因武興郡為名至我本朝以吳曦之變改為

氏王楊玄遣其弟難當將兵拒詔將即詔擊走

之魏主行至君子津會天暴寒冰合戊寅帥輕騎二

萬濟河襲統萬

神讀曰率
騎奇等翻

壬午冬至夏主方燕羣臣魏

師奄至上下驚擾魏主軍於黑水去城三十餘里夏主

出戰而敗退走入城門未及閉內三郎豆代田帥衆乘

勝入西宮

內三郎魏宿衛之官也三郎將領之又按魏道武帝天興初置幢主幢將主內三郎內三

郎衛士也焚其西門宮門閉代田踰宮垣而出魏主拜代田

勇武將軍

勇武將軍之號魏始置

魏軍夜宿城北癸未分兵四掠

殺獲數萬得牛馬十餘萬魏主謂諸將曰

將即亮翻下守將同

統

萬未可得也它年當與卿等取之乃徙其民萬餘家而

還

還從宣翻又如字

夏弘農太守曹達聞周幾將至不戰而走

魏師乘勝長驅遂入三輔會幾卒于軍中蒲阪守將東

平公乙斗聞奚斤將至遣使詣統萬告急使者至統萬

阪音反使疏史翻下同

魏軍已圍其城還告乙斗曰統萬已敗矣

乙斗懼棄城西奔長安斤遂克蒲阪夏主之弟助興先

守長安乙斗至與助興棄長安西犇安定

考異曰吳斤傳作乙升

今從帝紀

十二月斤入長安秦雍氏羌皆詣斤降

雍於用翻降戶江翻

河西王蒙遜及氐王楊玄聞之皆遣使附魏

兵以氣勢為用者也

統萬國而諸鎮失守氣勢然也

前吳郡太守徐珮之聚黨百餘人謀

以明年正會於殿中作亂事覺收斬之

正會明年正月朔旦朝會也亦

曰元會

營陽太妃張氏卒

秦征南將軍吉毗鎮南強

乞伏國仁置十二郡強川其一也南強當又在強川之南強其良翻

隴西人辛澹帥戶三

千據城逐毗毗走還枹罕澹南奔仇池

澹徒覽翻帥讀曰率

魏

初得中原民多逃隱天興中詔采諸漏戶令輸繒帛

魏皇

始二年克中山始得中原晉安帝之隆安元年也明年改元天興繒繒慈陵翻

於是自占為紬

繭羅穀戶者甚衆

占之曉翻紬除留翻穀戶谷翻

不隸郡縣賦役不均

是歲始詔一切罷之以屬郡縣

四年春正月辛巳帝祀南郊 乙酉魏主還平城統萬

徙民在道多死能至平城者什纔六七 己亥魏主如幽

州夏主遣平原公定帥衆二萬向長安魏主聞之伐木

陰山大造攻具再謀伐夏 山羌叛秦

羌分居武始洮陽南山者曰山

羌 二月秦王熾磐遣左丞相曇達招慰武始諸羌征南

將軍吉毗招慰洮陽諸羌

晉惠帝置洮陽縣屬狄道郡曇達舍翻

羌人執

曇達送夏吉毗為羌所擊犇還士馬死傷者什八九

魏主還平城 乙卯帝如丹徒己巳謁京陵初高祖既

貴命藏微時耕具以示子孫帝至故宮

晉之東遷也劉氏自彭城移居

晉陵丹徒之京口里陵墓及故宮在焉

見之有慙色近侍或進曰大舜躬

耕歷山伯禹親事水土

舜耕于歷山歷山之人皆讓陸畔伯禹親事水土手足胼胝

下不覩遺物安知先帝之至德稼穡之艱難乎 二月

丙子魏主遣高涼王禮鎮長安禮斤之孫也

拓跋斤見一百四卷

晉孝武太元元年

又詔執金吾桓貸造橋於君子津

丁丑魏

廣平王連卒

丁亥帝還建康

戊子尚書右僕射鄭

鮮之卒

秦王熾磐以輔國將軍段暉為涼州刺史鎮

樂都

樂音洛

平西將軍麴景為沙州刺史鎮西平寧朔將

軍出連輔政為梁州刺史鎮赤水

夏四月丁未魏員

外散騎常侍步堆等來聘

曹魏之末置員外散騎常侍散悉重翻騎奇寄翻

庚戌以廷尉王徽之為交州刺史徵前刺史杜弘文弘

文有疾自輿就路或勸之待病愈弘文曰吾杖節三世

弘文父慧度祖瑒三世鎮交州常欲投軀帝庭況被徵乎遂行卒於廣

州被皮義翻卒子恤翻弘文慧度之子也魏奚斤與夏平原公

定相持於長安魏主欲乘虛伐統萬簡兵練士部分諸

將分扶問翻命司徒長孫翰等將三萬騎為前驅常山王素

等將步兵三萬為後繼南陽王伏真等將步兵三萬部

送攻具將軍賀多羅將精騎三千為前候前候者居前為候騎將即

亮翻騎素遵之子也拓跋遵見一百八卷五月魏主發

奇奇翻晉孝武太元二十年

平城命龍驤將軍代人陸俟督諸軍鎮大磧以備柔然

魏書官氏志內入諸姓步六孤氏後改爲陸氏驤用將翻磧七連翻辛巳濟君子津壬

午中護軍王華卒魏主至拔鄰山拔鄰山在黑水東北築城捨

輜重北史捨作舍當從之以讀如字重直用翻以輕騎三萬倍道先行羣臣

咸諫曰統萬城堅非朝夕可拔今輕軍討之進不可克退無所資不若與步兵攻具一時俱往帝曰用兵之術攻城最下必不得已然後用之今以步兵攻具皆進彼必懼而堅守若攻不時拔食盡兵疲外無所掠進退無

地不如以輕騎直抵其城彼見步兵未至意必寬弛吾

羸形以誘之

羸倫為翻誘音酉

彼或出戰則成擒矣所以然者

吾之軍士去家二千餘里又隔大河所謂置之死地而

後生者也

去國遠國入皆致死故其鋒不可當

故以之攻城則不足決戰

則有餘矣遂行

六月癸卯朔日有食之

魏主至統

萬分軍伏於深谷以少衆至城下

藏匿其衆以少衆至城下誘其出戰少詩

沼翻

夏將狄子玉降魏

將即亮翻降戶江翻

言夏主聞有魏師遣使

召平原公定定曰統萬堅峻未易攻拔

易以鼓翻

待我擒奚

斤然後徐往內外擊之蔑不濟矣故夏王堅守以待之

魏主患之

患其不出戰也

乃退軍以示弱遣娥清及永昌王健

帥騎五千西掠居民

帥讀曰率騎奇奇翻下同

魏軍士有得罪亡犇

夏者言魏軍糧盡士卒食菜輜重在後步兵未至宜急

擊之夏主從之

使魏主用間亦不如是之巧殆天啟之也重直用翻

甲辰將步騎

三萬出城長孫翰等皆言夏兵步陳難陷

陳讀曰陣

宜避其

鋒魏主曰吾遠來求賊惟恐不出今既出矣乃避而不

擊彼奮我弱非計也遂收衆偽遁引而疲之夏兵為兩

翼鼓譟追之行五六里會有風雨從東南來揚沙晦冥

宦者趙倪頗曉方術言於魏主曰今風雨從賊上來我

向之彼背之

背蒲妹翻

天不助人且將士飢渴願陛下攝騎

避之

攝收也

更待後日崔浩叱之曰是何言也吾千里制

勝一日之中豈得變易

言先定必勝之計故千里行師不可以風雨之故變易成算於

一日賊貪進不止後軍已絕宜隱軍分出掩擊不意風

道在人豈有常也

言風在人用之分兵出其後順風擊之則風為我用豈有常勢哉魏

主曰善乃分騎為左右隊以倚之

倚居蟻翻

魏主馬蹶而墜

幾為夏兵所獲拓跋齊以身捍敵決死力戰夏兵乃退

魏主騰馬得上刺夏尚書斛黎文殺之又殺騎兵十餘

人身中流矢幾巨依翻上時掌翻刺七亦奮擊不輟夏

衆大潰齊翳槐之玄孫也翳槐什翼犍之兄晉魏人乘

勝逐夏主至城北殺夏主之弟河南公滿及兄子蒙遜

死者萬餘人夏主不及入城遂奔上邽魏主微服逐奔

者入其城拓跋齊固諫不聽夏人覺之諸門悉閉魏主

因與齊等入其宮中得婦人裙繫之槩上魏主乘之而

上僅乃得免會日暮夏尚書僕射問至奉夏主之母出

走

問姓至名孫桓曰襄州有問姓

長孫翰將八千騎追夏主至高平不

及而還乙巳魏主入城獲夏王公卿將校及諸母后妃

姊妹宮人以萬數馬三十餘萬匹牛羊數千萬頭府庫

珍寶車旗器物不可勝計

將即亮翻校戶頌賜將士有

珍寶車旗器物不可勝計

差初夏世祖性豪侈

夏王勃勅廟號世祖

築統萬城

事見一百十六卷晉安帝

義熙九年高十仞基厚三十步上廣十步宮牆高五仞

高古號翻

厚戶進翻廣古曠翻

其堅可以厲乃斧臺榭壯大皆雕鏤圖畫被

以綺繡窮極文采魏主顧謂左右曰蕞爾國而用民如

此

被皮義翻
蕞徂內翻

欲不亡得乎得夏太史令張淵徐辯復以

為太史令得故晉將毛脩之秦將軍庫洛干歸庫洛干

於秦以毛脩之善烹調用為太官令

毛脩之為夏所禽
見一百十八卷晉

安帝義熙十四年庫
洛干被禽見上年

魏主見夏著作郎天水趙逸所為

文譽夏主太過

譽音余

怒曰此豎無道何敢如是誰所為

邪當速推之

欲案其
罪也

崔浩曰文士褒貶多過其實蓋非

得已不足罪也乃止魏主納夏世祖三女為貴人奚斤

與夏平原公定猶相拒於長安魏主命宗正娥清太僕

丘堆帥騎五千略地關右定聞統萬已破遂奔上邽斤

追至雍不及而還

雍於用翻

清堆攻夏貳城拔之魏主詔斤

等班師斤上言赫連昌亡保上邽鳩合餘燼未有蟠據

之資今因其危滅之為易

易以鼓翻

請益鎧馬平昌而還

鎧可

亥翻魏主不許斤固請乃許之給斤兵萬人遣將軍劉拔

送馬三千匹并留娥清丘堆使共擊夏辛酉魏主自統

萬東還以常山王素為征南大將軍假節與執金吾桓

貸莫雲留鎮統萬

魏書官氏志內入諸姓烏丸氏爲桓氏

雲題之弟也

莫題

見一百十四卷晉安帝義熙四年

秦王熾磐還枹罕

夏既破故熾磐還枹音膚

秋七月己卯魏主至柝嶺

柝嶺即柝山之嶺柝則洛翻

柔然寇雲中

聞魏已克統萬乃遁去

秦王熾磐謂羣臣曰孤知赫

連氏必無成冒險歸魏

事見上卷營陽王景平元年

今果如孤言八

月遣其叔父平遠將軍渥頭等入貢于魏 壬子魏主

還至平城以所獲頒賜留臺百官有差魏主爲人壯健

驚勇臨城對陳

陳讀陣

親犯矢石左右死傷相繼神色自

若由是將士畏服咸盡死力

將即亮
翻下同

性儉率服御飲膳

取給而已羣臣請增峻京城及修宮室曰易云王公設

險以守其國

易坎卦
象辭

又蕭何云天子以四海為家不壯

不麗無以重威

事見十一卷
漢高帝七年

帝曰古人有言在德不在

險

吳起
之言

屈巧蒸土築城而朕滅之豈在城也今天下未

平方須民力土功之事朕所未為蕭何之對非雅言也

雅正也每以為財者軍國之本不可輕費至於賞賜皆死

事勲績之家親戚貴寵未嘗橫有所及

橫戶
翻

命將出師

指授節度違之者多致負敗明於知人或拔士於卒伍之中惟其才用所長不論本末聽察精敏下無遁情賞不違賤罰不避貴雖所甚愛之人終無寬假常曰法者朕與天下共之何敢輕也然性殘忍果於殺戮往往已殺而復悔之

如崔浩之類是也復扶又翻

九月丁酉安定民舉城

降魏

夏都既破安定亦降降戶加翻下同

氏主楊玄遣將軍苻白作圍

秦梁州刺史出連輔政于赤水城中糧盡民執輔政以降輔政至駱谷逃還冬十月秦以驍騎將軍吳漢為平

南將軍梁州刺史鎮南強

驍堅堯翻騎奇寄翻強其良翻

十一月魏

主遣軍司馬公孫軌兼大鴻臚持節策拜楊玄為都督

荆梁等四州諸軍事梁州刺史南秦王

封玄為南秦王以別乞伏熾磐

臚陵如翻

及境玄不出迎軌責讓之欲奉策以還玄懼而郊

迎魏主善之以軌為尚書軌表之子也

表死於營陽王景平元年

十二月秦梁州刺史吳漢為羣羌所攻帥戶二千還于

枹罕

帥讀曰率

魏主行如中山癸卯還平城

資治通鑑卷一百二十

資治通鑑卷一百二十一 宋 司馬光 撰

胡三省 音註

宋紀三

起著雍執徐盡上
章敦牂凡三年

太祖文皇帝上之中

元嘉五年春正月辛未魏京兆王黎卒 荊州刺史彭

城王義康性聰察在州職事修治

治直吏翻

左光祿大夫范

泰謂司徒王弘曰天下事重權要難居卿兄弟盛滿當

深存降挹

謂弘及弟曇首皆居權要

彭城王帝之次第宜徵還入朝

共參朝政

朝直

弘納其言時大旱疾疫弘上表引咎遜

位帝不許

秦商州刺史領澆河太守姚濬叛降河西

晉時張祚以敦煌郡為商州時敦煌屬河西熾磐蓋以濬遙領商州而守澆河也澆堅亮翻降戶江翻

秦

王熾磐以尚書焦嵩代濬帥騎三千討之

帥讀曰率騎奇寄翻

二

月嵩為吐谷渾元緒所執

魏改元神麋

麋居牙翻牡鹿也以獲神

鹿改元神書靈徵志時定州獲白麋白鹿也又見于樂陵

魏平北將軍尉眷攻

夏主於上邽

尉紆勿翻

夏主退屯平涼奚斤進軍安定與丘

堆娥清軍合斤馬多疫死士卒乏糧乃深壘自固遣丘
堆督租于民間士卒暴掠不設做備夏主襲之堆兵敗
以數百騎還城夏主乘勝日來城下鈔掠不得芻牧諸
將患之監軍侍御史安頡曰

鈔楚交翻將即亮翻
監工銜翻頡戶結翻

受詔

滅賊今更為賊所困退守窮城若不為賊殺當坐法誅
進退皆無生理而諸王公晏然曾不為計乎

奚斤封空
城王為司

空
斤曰今軍士無馬以步擊騎必無勝理當須京師救
騎至合擊之頡曰今猛寇遊逸於外吾兵疲食盡不一

決戰則死在旦夕救騎何可待乎等于就死死戰不亦

可乎斤又以馬少為辭

騎奇寄翻
少持治翻

頡曰今斂諸將所乘

馬可得二百匹頡請募敢死之士出擊之就不能破敵

亦可以折其銳且赫連昌狃而無謀好勇而輕

狃吉縣
翻好呼

到翻輕
違政翻

每自出挑戰

挑徒
了翻

衆皆識之若伏兵掩擊昌可

擒也斤猶難之頡乃陰與尉眷等謀選騎待之既而夏

主來攻城頡出應之夏主自出陳前搏戰

陳讀
曰陣

軍士識

其貌爭赴之會天大風揚塵晝昏夏主敗走頡追之夏

主馬蹶而墜遂擒之

考異曰十六國春秋鈔云承光三年五月戰于黑渠為魏所敗昌

與數千騎奔還魏追騎亦至昌河內公費連烏提守高平徙諸城民七萬戶于安定以都之四年二月魏軍至安定三城潰昌奔秦州魏東平公娥清追擒之送于魏與後魏紀傳不同今從後魏書 頡同之子

也

安同永興初八公之一也

夏大將軍領司徒平原王定收其餘衆

數萬犇還平涼即皇帝位

定小字直憤夏王勅勅第五子

大赦改元勝

光三月辛巳赫連昌至平城魏主館之於西宮門內器

用皆給乘輿之副又以妹始平公主妻之

乘繩證翻假妻七細翻

常忠將軍賜爵會稽公

會公外翻

以安頡為建節將軍賜爵

西平公尉眷為寧北將軍進爵漁陽公魏主常使赫連

昌侍從左右

從才用翻

與之單騎共逐鹿深入山澗昌素有

勇名諸將咸以為不可魏主曰天命有在亦何所懼親

遇如初奚斤自以為元帥而昌為偏裨所擒深恥之乃

捨輜重

重直龍翻下同

齋三日糧追夏主於平涼城清欲循水

而往

清蓋欲循湮水而進

斤不從自北道邀其走路至馬髦嶺

馬髦

山之嶺也

夏軍將遁會魏小將有罪亡歸於夏告以魏軍食

少無水

少詩沼翻

夏主乃分兵邀斤前後夾擊之魏兵大潰

斤及娥清劉拔皆為夏所擒

去年魏遣劉拔與斤共擊夏

士卒死者

六七千人

考異曰宋索虜傳元嘉五年使大將吐伐斤西伐長安生擒赫連昌于安定封昌為公

以妹妻之昌弟定在隴上吐伐斤乘勝以騎三萬討之定伏設於隴山彈箏谷破之斬吐伐斤盡坑其衆定率衆東還復克長安熹又自攻不克丘堆守輜重在安定乃分軍戍大城而還今從後魏書

聞斤敗棄輜重奔長安與高涼王禮偕奔蒲阪

阪音反

夏

人復取長安

復扶又翻下復勸同

魏主大怒命安頡斬丘堆代將

其衆鎮蒲阪以拒之

將即亮翻

夏四月夏主遣使請和於

魏魏主以詔諭之使降

使疏吏翻降戶江翻

壬子魏主西巡戊

午敗於河西

此君子津之西也

大赦

五月秦文昭王熾磐卒

太子暮末即位大赦改元永弘

平陸令河南成粲

平陸

據目漢以來屬東平郡

復勸王弘遜位

復扶又翻

弘從之累表陳請帝

不得已六月庚戌以弘為衛將軍開府儀同三司 甲

寅魏主如長川

魏書帝紀泰常八年築長城於長川之南

葬秦文昭王于

武平陵廟號太祖秦王暮末以右丞相元基為侍中相

國都督中外諸軍錄尚書事以鎮軍大將軍河州牧謙

屯為驃騎大將軍

河州治枹罕乞伏氏所都驃匹妙翻騎奇寄翻下同

徵安北將

軍涼州刺史段暉為輔國大將軍御史大夫

段暉先叔鎮樂都

父右禁將軍千年為鎮北將軍涼州牧鎮湟河以征北將軍木奕干為尚書令車騎大將軍以征南將軍吉毗為尚書僕射衛大將軍河西王蒙遜因秦喪伐秦西平西平太守麴承謂之曰殿下若先取樂都則西平必為殿下之有苟望風請服亦明主之所疾也蒙遜乃釋西平攻樂都相國元基帥騎三千救樂都

元基自枹罕救樂都樂音洛

甫入城而河西兵至攻其外城克之絕其水道城中飢

渴死者大半東羌乞提從元基救樂都陰與河西通謀

下繩引內其兵登城者百餘人鼓譟燒門元基帥左右

奮擊河西兵乃退

帥讀曰率

初文昭王疾病謂暮末曰吾死

之後汝能保境則善矣沮渠成都為蒙遜所親重汝宜

歸之至是暮末遣使詣蒙遜許歸成都以求和

成都為秦檜事

見一百十九卷武帝永初三年沮子余翻使疏吏翻下同

蒙遜引兵還遣使入秦弔

祭暮末厚資送成都遣將軍王伐送之蒙遜猶疑之使

恢武將軍沮渠奇珍伏兵於捫天嶺執伐并其騎士三

百人以歸既而遣尚書郎王杼送伐還秦并遣暮末馬

千匹及錦罽銀繒

遺于李翻罽音計繒慈林翻

秋七月暮末遣記室

郎中馬艾如河西報聘

魏主還宮

八月復如廣寧

觀溫泉

水經注下洛縣故城魏燕州廣寧縣廣寧郡治魏土地記下洛城東南四十里有橋山山下有

溫泉泉上有祭堂彫簷華宇被于浦上石池吐泉湯湯其下炎涼代序是水灼焉無改能治百疾赴者若流復

扶又

柔然紇升盖可汗遣其子將萬餘騎寇魏邊

紇戶翻

可讀從刊入聲汗音寒將即亮翻騎奇寄翻

魏主自廣寧還追之不及九月

還宮

冬十月甲辰魏主北巡壬子畋于牛川

秦涼

州牧乞伏千年嗜酒殘虐不恤政事秦王暮末遣使讓

之千年懼犇河西

并河西王蒙遜也

暮末以叔父光祿大夫沃

陵為涼州牧鎮湟河

徐州刺史王仲德遣步騎二千

伐魏濟陽陳畱

濟陽縣漢晉以來屬陳畱郡此時陳畱郡治浚儀杜佑曰濟陽縣故城在曹州

寬句縣西南濟子禮翻

考異曰後魏紀云淮北鎮將

按南史仲德時為安北將軍徐州刺史宋書仲德傳闕

又宋書南史本紀北史本紀及宋魏諸臣列傳魏劉裕傳宋索虜傳皆無是年王仲德等伐魏事唯後魏本紀

有之今從之

魏主還宮

魏定州丁零鮮于臺陽等二千

餘家叛入西山

魏主珪皇始二年置安州于中山天興三年改曰定州西山即曲陽西山也

州郡不能討閏月魏主遣鎮南將軍叔孫建討之 十

一月乙未朔日有食之 魏主如西河校獵

河水逕漢雲中積陵

縣西南平城在其東北故謂之西河

十二月甲申還宮

河西王蒙遜伐

秦至磐夷秦相國元基等將騎萬五千拒之蒙遜還攻

西平征虜將軍出連輔政等將騎二千救之

將即亮翻騎奇奇翻

祕書監謝靈運自以名輩才能應參時政上惟接以

文義每侍宴談賞而已王曇首王華殷景仁名位素出

靈運下並見任遇靈運意甚不平多稱疾不朝直

不入朝不入

入直也曇徒舍
翻朝直還翻

或出郭遊行且二百里經旬不歸既無

表聞又不請急上不欲傷大臣意諷令自解靈運乃上

表陳疾上賜假令還會稽

假居訝翻
會工外翻

而靈運遊飲自若

為法司所糾坐免官是歲師子王刹利摩訶及天竺

迦毗黎王月愛皆遣使奉表入貢表辭皆如浮屠之言

南史師子國天竺旁國也其地和適無冬夏之異五穀

隨人種不須時節天竺有迦毗黎蘇摩黎斤陀利婆黎

等國皆事佛道利初轄翻迦

古牙翻又居伽翻使疏吏翻

魏鎮遠將軍平舒侯燕

鳳卒

燕鳳歷事拓
跋氏四世

六年春正月王弘上表乞解州錄以授彭城王義康

州錄

揚州及錄尚書事也

帝優詔不許癸丑以義康為侍中都督楊南

徐兗三州諸軍事司徒錄尚書事領南徐州刺史

武帝永初

二年加京口之徐州曰南徐淮北之徐州但曰徐南徐領南東海南琅邪晉陵義興南蘭陵南東莞臨淮淮陵

南彭城南清河南高平南平昌南濟陰南濮陽南泰山濟陽南魯郡等郡

弘與義康二府並

置佐領兵共輔朝政

佐參佐也所謂佐吏朝直逆翻

弘既多疾且欲委

遠大權每事推讓義康

遠于願翻推吐雷翻

由是義康專摠內外

之務

為義康專擅致禍張本

又以撫軍將軍江夏王義恭為都督

荆湘等八州諸軍事荊州刺史

夏戶雅翻

以侍中劉湛為南

蠻校尉行府州事帝與義恭書誡之曰天下艱難家國

事重雖曰守成實亦未易隆替安危在吾曹耳豈可不

感尋王業大懼負荷

感念致王業之艱難而尋繹為治之理也傳曰其父析薪其子不克

負荷易以鼓翻荷下可翻又音如字

汝性褊急志之所滯其欲必行

滯凝也積

也褊方緬翻

意所不存從物回改此最弊事宜念裁抑衛青

遇士大夫以禮與小人有恩西門安于矯性齊美

西門豹性

剛急常佩韋以自緩董安于性寬緩常佩弦以自警

關羽張飛任偏同弊

事見六十九卷

魏文帝黃行已舉事深宜鑒此若事異今日嗣子幼蒙
初二年

陸德明曰司徒當周公之事汝不可不盡祇順之理爾
蒙稚也

時天下安危決汝二人耳汝一月自用錢不可過三十

萬若能省此益美西楚府舍略所諳究

諸烏舍翻

計當不須

改作日求新異

江左謂荆州為西楚

凡訊獄多決當時難可逆慮

此實為難至訊日虛懷博盡慎無以喜怒加人能擇善

者而從之美自歸己不可專意自決以矜獨斷之明也

斷丁亂翻

名器深宜慎惜不可妄以假人昵近爵賜尤應裁

量吾于左右雖為少恩

昵尼質翻量音良少詩沼翻

如聞外論不以

為非也以貴凌物物不服以威加人人不厭此易達事

耳

易以鼓翻

聲樂嬉遊不宜令過捕酒漁獵一切勿為

捕也

供用奉身皆有節度奇服異器不宜興長

長丁丈翻今知兩翻

又

宜數引見佐史

佐史當作佐吏晉宋之間藩府率謂參佐為佐吏數所角翻下同

相見

不數則彼我不親不親無因得盡人情人情不盡復何

由知眾事也

詳觀宋文帝此書則江左之治稱元嘉良有以也復扶又翻

夏酒泉

公雋自平涼奔魏

丁零鮮于臺陽等請降於魏

降戶江翻

魏主赦之

赦其去年叛入西山之罪

秦出連輔政等未至西平河

西王蒙遜拔西平執太守麴承

蒙遜去年攻西平

二月秦王

暮末立妃梁氏為皇后子萬載為太子三月丁巳立

皇子劬為太子戊午大赦辛酉以左衛將軍殷景仁

為中領軍帝以章太后早亡

章太后胡氏生帝五年被譴賜死帝即位謚曰章

奉太后所生蘇氏甚謹蘇氏卒帝往臨哭欲追加封爵

使羣臣議之景仁以為古典無之乃止初秦尚書隴

西辛進從文昭王遊陵霄觀彈飛鳥誤中秦王暮末之

母傷其面

觀古玩翻
中竹仲翻

及暮末即位問母面傷之由母以

狀告暮末怒殺進并其五族二十七人

史言暮末
以虐亡國

夏

四月癸亥以尚書左僕射王敬弘為尚書令臨川王義

慶為左僕射吏部尚書濟陽江夷為右僕射

濟子
禮翻

初

魏太祖命尚書鄧淵撰國記十餘卷未成而止世祖更

命崔浩與中書侍郎鄧穎等續成之

為浩以史事
得禍張本

為國

書三十卷穎淵之子也

魏主將擊柔然治兵于南郊

治直
之翻

先祭天然後部勒行陳

行戶剛翻
陳讀曰陣

內外羣臣皆不

欲行保太后固止之獨崔浩勸之尚書令劉縉等共推

太史令張淵徐辯使言于魏主曰今茲己巳三陰之歲

干以甲丙戊庚壬為陽乙丁己辛癸為陰支以子寅辰

午申戌為陽丑卯巳未酉亥為陰己巳皆陰而干支合

于己巳是為三陰之歲

歲星襲月太白在西方不可舉兵北伐必

敗雖克不利于上羣臣因共贊之曰淵等少時嘗諫苻

堅南伐堅不從而敗所言無不中不可違也

少詩沼翻中竹仲翻

魏主意不快詔浩與淵等論難于前

難乃旦翻

浩詰淵辯曰

陽為德陰為刑故日食脩德月食脩刑夫王者用刑小

則肆諸市朝大則陳諸原野

陳諸原野用甲兵也此言本出漢書刑法志語去吉

翻朝立

今出兵以討有罪乃所以修刑也臣竊觀天文

比年以來月行掩昴至今猶然其占三年天子大破旄

頭之國

比毗至翻昂旄頭胡星也

蠕蠕高車旄頭之衆也

蠕人願

陛下勿疑淵辯復曰

復扶又翻

蠕蠕荒外無用之物得其地

不可耕而食得其民不可臣而使輕疾無常難得而制

有何汲汲而勞士馬以伐之浩曰淵辯言天道猶是其

職至于人事形勢尤非其所知此乃漢世常談

自韓安國主父

偃至于嚴尤其論皆如此

施之于今殊不合事宜何則蠕蠕本國家

北邊之臣中間叛去

見一百八卷晉孝武太元十九年

今誅其元惡收

其良民令復舊役非無用也世人皆謂淵辯通解數術

明決成敗臣請試問之

解戶買翻

屬者統萬未亡之前

屬之欲翻

有無敗徵若其不知是無術也知而不言是不忠也時

赫連昌在坐

坐祖卧翻

淵等自以未嘗有言慙不能對魏主

大悅既罷公卿或尤浩曰今南寇方伺國隙

同相吏翻

而捨

之北伐若蠕蠕遠遁前無所獲後有彊寇將何以待之

浩曰不然今不先破蠕蠕則無以待南寇南人聞國家

克統萬以來內懷恐懼故揚聲動衆以衛淮北比吾破

蠕蠕往還之間南寇必不動也

比必寐翻

且彼步我騎

騎奇寄翻

彼能北來我亦南往在彼甚困於我未勞況南北殊俗

水陸異宜設使國家與之河南彼亦不能守也

崔浩之料宋人

審矣帝後屢出兵爭河南卒以自弊吳呂蒙不肯取魏徐州正慮此耳

何以言之以劉裕

之雄傑吞併關中畱其愛子輔以良將精兵數萬猶不

能守全軍覆沒

事見一百十八卷晉安帝義熙十四年將即亮翻下同

號哭之聲

至今未已

號戶高翻

況義隆今日君臣非裕時之比主上英

武士馬精彊彼若果來譬如以駒犢鬪虎狼也

馬子曰駒牛子

曰何懼之有蠕蠕恃其絕遠謂國家力不能制自寬日

久故夏則散衆放畜秋肥乃聚背寒向溫

背蒲妹翻

南來寇

鈔

鈔楚交翻

今掩其不備必望塵駭散牡馬護牝馬戀駒

驅馳難制不得水草不過數日必聚而困弊可一舉而

滅也整勞永逸時不可失

整與暫同

患在上無此意今上意

已決奈何止之寇謙之謂浩曰蠕蠕果可克乎浩曰必

克但恐諸將瑣瑣前後顧慮不能乘勝深入使不全舉

耳

瑣瑣細小也言志趣細小不能一舉而全取之也

先是帝因魏使者還告魏

主曰汝趣歸我河南地

先悉薦翻使疏吏翻趣讀曰促

不然將盡我將

士之力魏主方議伐柔然聞之大笑謂公卿曰龜鼈小

豎

東南澤國也故詆之曰龜鼈小豎

自救不暇夫何能為就使能來若

不先滅蠕蠕乃是坐待寇至腹背受敵非良策也吾行

決矣庚寅魏主發平城使北平王長孫嵩廣陵公樓伏

連居守

守手又翻魏書官氏志獻帝次弟為伊婁氏又有乙那婁氏後並改為婁氏

魏主自

東道向黑山使平陽王長孫翰自西道向大娥山同會

柔然之庭 五月壬辰朔日有食之 王敬弘固讓尚

書令表求還東

還從宣翻又
如字下同

癸巳更以敬弘為侍中特

進左光祿大夫聽其東歸

自建康歸會
稽為東歸

丁未魏主至

漠南捨輜重帥輕騎兼馬襲擊柔然至栗水

重直用翻
帥讀曰率

騎奇寄翻兼馬者每一騎兼有副馬也栗水
在漠北近稽落山有漠將軍實憲故壘在馬

柔然紇升

蓋可汗先不設備民畜滿野驚怖散去

紇下沒翻可從
刊入聲汗音寒

怖普
布翻

莫相收攝

攝錄也
飭整也

紇升蓋燒廬舍絕迹西走莫知

所之其弟匹黎先主東部聞有魏寇帥衆欲就其兄遇

長孫翰翰邀擊大破之殺其大人數百 夏主欲復取

統萬引兵東至侯尼城

侯尼城在平涼東

不敢進而還 河西

王蒙遜伐秦秦王暮末留相國元基守枹罕還保定連

南安太守翟承伯等據罕開谷以應河西

水經注隴西白石縣東有

罕開溪又東則枹罕縣故城枹音膚開苦堅翻

暮末擊破之進至治城

魏收地形志涼

州東陞郡有治城縣其地當在黃河南又涼州有建昌郡亦有治城縣

西安太守莫者幼

眷據汧川以叛

此汧川非扶風之汧當亦在枹罕左右汧口堅翻

暮末討之為

幼眷所敗

敗還

還于定連蒙遜至枹罕遣世子興國進

攻定連六月暮末逆擊興國于治城擒之追擊蒙遜至

譚郊吐谷渾王慕瓚遣其弟沒利延將騎五千會蒙遜

伐秦

沒利延即慕利延沒慕聲相近也瓚古回翻

暮末遣輔國大將軍段暉

等邀擊大破之柔然紇升蓋可汗既走部落四散竄

伏山谷雜畜布野

畜許救翻

無人收視魏主循粟水西行至

菟園水

菟園水在燕然山南去平城三千七百餘里菟同都翻又土故翻

分軍搜討東

西五千里南北三千里俘斬甚衆高車諸部乘魏兵勢

鈔掠柔然柔然種類前後降魏者三十餘萬落

鈔楚交
翻種章

勇翻降戶
江翻下同

獲戎馬百餘萬匹畜產車廬彌漫山澤亡慮

數百萬

亡無
字通

魏主循弱水西行至涿邪山

邪讀
曰耶

諸將慮

深入有伏兵勸魏主留止寇謙之以崔浩之言告魏主

魏主不從秋七月引兵東還至黑山以所獲班賜將士

有差既而得降人言可汗先被病

被皮
義翻

聞魏兵至不知

所為乃焚穹廬以車自載將數百人入南山民畜窘聚

無人統領

窘渠
限翻

相去百八十里追兵不至乃徐西遁惟

此得免後聞涼州賈胡言若復前行二日則盡滅之矣

賈音古復
扶又翻

魏王深悔之紇升蓋可汗憤悒而卒子吳提

立號敕連可汗

魏收曰敕連
魏言神聖也

武都孝昭王楊玄疾病

欲以國授其弟難當難當固辭請立玄子保宗而輔之

玄許之玄卒保宗立難當妻姚氏勸難當自立難當乃

廢保宗自稱都督雍涼秦三州諸軍事征西大將軍開

府儀同三司秦州刺史武都王

為後保宗難當爭
國張本雍於用翻

河

西王蒙遜遣使送穀三十萬斛以贖世子與國于秦

使疏

吏翻秦王暮末不許蒙遜乃立興國母弟菩提為世子蒙遜

取佛書以名其子梵言菩提華言王道也菩提薄乎翻暮末以興國為散騎常侍散

聖翻騎奇以其妹平昌公主妻之妻七細翻八月魏主至

漠南聞高車東部屯已尼陂北史烏洛侯國西北二十日行有于已尼大水所謂

北海也烏洛侯直濡源西北已尼陂又當在其西北也人畜甚衆去魏軍千餘里

遣左僕射安原等將萬騎擊之高車諸部迎降者數十

萬落將即亮翻降戶江翻下同獲馬牛羊百餘萬冬十月魏主還平

城徙柔然高車降附之民于漠南東至濡源濡乃官翻西暨

五原陰山三千里中使之耕牧而收其貢賦命長孫翰

劉黎安原及侍中代人古弼同鎮撫之自是魏之民間

馬牛羊及羶皮為之價賤

為于偽翻下必為同

魏主加崔浩侍中

特進撫軍大將軍以賞其謀畫之功浩善占天文常置

銅鈇於酢器中

酢與醋同倉故翻

夜有所見即以鈇畫紙作字

以記其異魏主每如浩家問以災異或倉猝不及束帶

奉進疏食不暇精美

疏麤也食祥吏翻

魏主必為之舉筋或立

嘗而還

嘗口識其味也

魏主嘗引浩出入卧內從容謂浩曰卿

才智淵博事朕祖考著忠三世

從千容翻道武明元及帝為三世

故朕

引卿以自近

近其斯翻

卿宜盡忠規諫勿有所隱朕雖或時

忿恚不從卿言

恚於避翻

然終久深思卿言也嘗指浩以示

新降高車渠帥曰汝曹視此人虓纖懦弱不能彎弓持

矛

虓弱也纖細也帥所類翻虓為黃翻

然其胷中所懷乃過于兵甲朕雖

有征伐之志而不能自決前後有功皆此人所教也又

敕尚書曰凡軍國大計汝曹所不能決者皆當咨浩然

後施行秦王暮末之弟軻殊羅烝於文昭王左夫人

秃髮氏

下淫上
曰燕

暮末知而禁之軻殊羅懼與叔父什寅

謀殺暮末奉沮渠興國以奔河西

沮子
余翻

使秃髮氏盜門

鑰鑰誤門者以告暮末暮末悉收其黨殺之而赦軻殊

羅執什寅鞭之什寅曰我負汝死不負汝鞭暮末怒剗

其腹投尸于河 夏主少凶暴無賴不為世祖所知是

月畋于陰槃

少詩照翻陰槃縣漢屬安定晉屬京兆魏收地形志屬平原郡注又見前

登苛

藍山

五代志平涼郡平涼縣有苛藍山漢涇陽縣故城在平涼縣南

望統萬城泣曰先

帝若以朕承大業者豈有今日之事乎 十一月己丑

朔日有食之不盡如鈎星晝見至晡方沒河北地闇

見賢

通翻 魏主西巡至柞山

柞則洛翻

十二月河西王蒙遜吐

谷渾王慕瓚皆遣使入貢

瓚古回翻使疏更翻

是歲魏內都大

官中山文懿公李先青冀二州刺史安同皆卒先年九

十五

李先自燕降魏見一百八卷晉孝武太元二十一年

秦地震野草皆自反

七年春正月癸巳以吐谷渾王慕瓚為征西將軍沙州

刺史隴西公 庚子魏主還宮壬寅大赦癸卯復如廣

寧臨溫泉

復扶又翻

二月丁卯魏陽平威王長孫翰卒

戊辰魏主還宮 帝自踐位以來有恢復河南之志三

月戊子詔簡甲卒五萬給右將軍到彥之統安北將軍

王仲德兖州刺史竺靈秀舟師入河又使驍騎將軍段

宏將精騎八千直指虎牢

驍堅亮翻騎奇寄
翻宏將即亮翻

豫州刺史

劉德武將兵一萬繼進後將軍長沙王義欣將兵三萬

監征討諸軍事

監工
銜翻

義欣道憐之子也

道憐武
帝之弟

先遣殿

中將軍田奇使於魏

使疏
吏翻

告魏主曰河南舊是宋土中

為彼所侵

魏取河南見一百十九
卷營陽王景平元年

今當脩復舊境不關

河北魏主大怒曰我生髮未燥已聞河南是我地此豈
可得必若進軍今當權斂戍相避須冬寒地淨河冰堅
合自更取之甲午以前南廣平太守尹冲為司州刺史
江左倚置廣平郡于襄陽宋以朝陽縣境為實土屬雍州長沙王義欣出鎮彭城為

衆軍聲援以游擊將軍胡藩戍廣陵行府州事壬寅

魏封赫連昌為秦王魏有新徙敕勒千餘家苦于將

吏侵漁

將即亮翻

出怨言期以草生馬肥亡歸漠北尚書令

劉絜左僕射安原奏請及河冰未解徙之河西向春冰

解使不得北遁魏主曰此曹習俗放散日久譬如園中

之鹿急則奔突緩之自定吾區處自有道不煩徙也

處昌

呂翻 黎等固請不已乃聽分徙三萬餘落于河西西至白

鹽池

五原郡有白鹽池黑鹽池唐置鹽州以此得名

敕勒皆驚駭曰圍我于河

西欲殺我也

又圍其卷翻

謀西奔涼州劉黎屯五原河北

水經注河水自朔方郡南過五原縣西

安原屯悅拔城以備之癸卯敕勒

數千騎叛北走黎追討之走者無食相枕而死

枕之任翻

魏南邊諸將

將即亮翻下同

表稱宋人大嚴將入寇請兵三萬

先其未發逆擊之

先志爲翻

足以挫其銳氣使不敢深入因

請悉誅河北流民在境上者以絕其鄉導

鄉讀曰嚮

魏主使

公卿議之皆以爲當然

當然猶言當如此也

崔浩曰不可南方下

濕

天地之性西北高而東南下故東南之地卑濕沮洳

入夏之後水潦方降草木

蒙密地氣鬱蒸易生疾癘不可行師且彼既嚴備則城

守必固

易以鼓翻守式又翻下成守同

留屯久攻則糧運不繼分軍四

掠則衆力單寡無以應敵以今擊之未見其利彼若果

能北來宜待其勞倦秋涼馬肥因敵取食徐往擊之此

萬全之計也朝廷羣臣及西北守將從陛下征伐西平

赫連

事見上卷四年

北破蠕蠕

事見上年

多獲美女珍寶牛馬成羣

南邊諸將聞而慕之亦欲南鈔以取資財

鈔楚交翻

皆營私

計為國生事不可從也魏主乃止諸將復表南寇已至

為子偽翻復扶又翻下乃復復叛同

所部兵少

少詩沼翻

乞簡幽州以南勁兵

助已戍守及就漳水造船嚴備以拒之

欲就漳水造船分布河津以備

宗公卿皆以為宜如所請并署司馬楚之魯軌韓延之

等為將帥使招誘南人

將即亮翻帥所類翻誘音酉

浩曰非長策也

楚之等皆彼所畏忌今聞國家悉發幽州以南精兵大

造舟艦隨以輕騎

艦戶踏翻騎奇寄翻

謂國家欲存立司馬氏誅

除劉宗必舉國震駭懼於滅亡當悉發精銳并心竭力

以死爭之則我南邊諸將無以禦之今公卿欲以威力

却敵乃所以速之也張虛聲而召實害此之謂矣故楚

之之徒往則彼來止則彼息其勢然也且楚之等皆纖

利小才止能招合輕薄無賴而不能成大功徒使國家

兵連禍結而已昔魯軌說姚興以取荊州至則敗散

見事

一百十七卷晉安帝義熙十二年說輸內朝

為蠻人掠賣為奴終于禍及姚

泓此已然之效也魏主未以為然浩乃復陳天時

復扶又翻

以為南方舉兵必不利曰今茲害氣在揚州一也庚午

自刑先發者傷二也

揚州於辰在丑而是歲在午丑為金庫午為火旺以火害金故害氣

在揚州歲在庚午庚金也午火也以火剋金故為自刑

日食晝晦宿值斗牛三也

熒惑伏于翼軫主亂及喪四也太白未出進兵者敗五

也

去年十一月朔日食於星紀之分宿值斗牛熒惑罰星也所居之宿國受殃為死喪寇亂翼軫楚之分野

屬荊州太白未出不利進兵太白兵象也宿音秀

夫興國之君先脩人事次進

地利後觀天時故萬舉萬全今劉義隆新造之國人事

未洽災變屢見

見賢通翻

天時不協舟行水涸地利不盡三

者無一可而義隆行之必敗無疑魏主不能違衆言乃

詔冀定相三州造船三千艘

魏道武帝天興四年置相州於鄴相息亮翻

簡

幽州以南戍兵集河上以備之秦乞伏什寅母弟前

將軍白養鎮衛將軍去列以什寅之死有怨言秦王暮

末皆殺之

暮末淫刑以逞衆叛親離不亡得乎

夏四月甲子魏主如雲

中勅勒萬餘落復叛走

復扶又翻

魏主使尚書封鐵追討

滅之 六月己卯以氐王楊難當為冠軍將軍秦州刺

史武都王

冠古
玩翻

魏主使平南大將軍丹陽王大毗屯

河上以司馬楚之為安南大將軍封琅邪王屯潁川以

備宗 吐谷渾王慕瓚將其衆萬八千襲秦定連

瓚古
回翻

將即
亮翻

秦輔國大將軍段暉等擊走之 到彥之自淮入

泗水滲

滲所禁翻說文
曰水下瀉為滲

日行纔十里自四月至秋七月

始至須昌

須昌縣前漢屬東郡後漢晉屬東平郡杜佑
曰鄆州古須句國漢為東平國地治須昌縣

漢無鹽故城在今縣東
東平國故城亦在縣東

乃沂河西上

上時
掌翻

魏主以河南

四鎮兵少命諸軍悉收衆北渡

四鎮金墉虎牢滑臺碣磔少詩沼翻

戊子

魏碣磔戍兵棄城去戊戌滑臺戍兵亦去庚子魏主以

大鴻臚陽平公杜超為都督冀定相三州諸軍事太宰

進爵陽平王鎮鄴為諸軍節度超密太后之兄也

如臚陵翻

冀州漢末所置治信都定州春秋鮮虞國戰國為中山國後燕慕容氏都中山後魏道武帝滅之於中山置安州天興三年改定州相州春秋晉東陽之地戰國時為魏之鄴邑晉時趙王石虎自襄國徙都之魏道武滅後燕至鄴欲立州訪於羣下對者曰昔

庚戌魏洛陽虎牢

河壘甲居相宜曰相州道武從之

戍兵皆棄城去到彥之留朱脩之守滑臺尹冲守虎牢

建武將軍杜驥守金墉驥預之玄孫也

晉初杜預有平吳之功

諸

軍進屯靈昌津列守南岸至于潼關於是司寇既平諸

軍皆喜王仲德獨有憂色曰諸賢不諳北土情偽

諸鳥南翻

必墮其計番人雖仁義不足而凶狡有餘今斂戍北歸

必并力完聚若河冰既合將復南來豈可不以為憂乎

復扶又翻

甲寅林邑王范陽邁遣使入貢

使疏吏翻

自陳與交

州不睦乞蒙恕宥

林邑自范奴文以來世與交州交兵

八月魏主遣冠

軍將軍安頡督護諸軍擊到彥之

冠古玩翻頡戶結翻

丙寅彥之

遣裨將吳興姚聳夫渡河攻治坂與頡戰

將即聳夫兵亮翻

敗死者甚衆戊寅魏主遣征西大將軍長孫道生會丹

楊王大毗屯河上以禦彥之

燕太祖寢疾

燕主跋也

召中

書監申秀侍中陽哲於內殿屬以後事

屬之欲翻

九月病甚

輦而臨軒命太子翼攝國事勒兵聽政以備非常宋夫

人欲立其子受居惡翼聽政謂翼曰上疾將瘳奈何遽

欲代父臨天下乎翼性仁弱遂還東宮日三往省疾宋

夫人矯詔絕內外遣閤寺傳問而已

省悉禁翻鄭康成曰閤人司晨昏以

啟明者寺
之言侍也

翼及諸子大臣並不得見

見賢通翻

唯中給事胡

福獨得出入專掌禁衛福慮宋夫人遂成其謀乃言于

司徒錄尚書事中山公弘弘與壯士數十人被甲入禁

中

被皮義翻

宿衛皆不戰而散宋夫人命閉東閣弘家僮庫

斗頭勁捷有勇力踰閤而入至于皇堂射殺女御一人

射而亦翻鄭康成曰女御
所謂御妻御猶進也侍也

太祖驚懼而殂弘遂即天王

位

弘字文通
跋之少弟

遣人巡城告曰天降凶禍大行崩背

背蒲妹翻

太子不侍疾羣公不奔喪疑有逆謀社稷將危吾備介

弟之親

介大也

遂攝大位以寧國家百官扣門入者進陛

二等

陛階級也謂進階也

太子翼帥東宮兵出戰而敗兵皆潰去

弘遣使賜翼死

帥讀曰率使疏吏翻

太祖有子百餘人弘皆殺之

謚太祖曰文成皇帝葬長谷陵 己丑夏主遣其弟謂

以代伐魏鄜城

鄜城在漢上郡界魏後置數城郡隋改曰鄜城讀與數同

魏平西將

軍始平公隗歸等擊之

隗五罪翻

殺萬餘人謂以代遁去夏

主自將數萬人邀擊隗歸于鄜城東

將即亮翻

留其弟上谷

公社干廣陽公度洛孤守平涼遣使來求和

使疏吏翻

約合

兵滅魏遙分河北自恒山以東屬宋以西屬夏

恒山戶登翻

魏

主聞之治兵將伐夏

治直之翻

羣臣咸曰劉義隆兵猶在河

中

言在河之中流

捨之西行前寇未必可克而義隆乘虛濟河

則失山東矣

此山東謂太行恒山以東即河北之地

魏主以問崔浩對曰

義隆與赫連定遙相招引以虛聲唱和

和戶卧翻

共窺大國

義隆望定進定待義隆前皆莫敢先入譬如連雞不得

俱飛無能為害也臣始謂義隆軍來當屯止河中兩道

北上

上時掌翻

東道向冀州西道衝鄴如此則陛下當自討

之不得徐行今則不然東西列兵徑二千里一處不得

數千形分勢弱以此觀之儻兒情見

儻尼耕翻困也弱也見賢通翻

此

不過欲固河自守無北度意也赫連定殘根易摧

易鼓翻

擬之必仆克定之後東出潼關席卷而前

卷讀曰捲

則威震

南極江淮以北無立草矣聖策獨發非愚近所及願陞

下勿疑甲辰魏主如統萬遂襲平涼以衛兵將軍王斤

鎮蒲阪

阪音反

斤建之子也

王建佐魏主珪取中原

秦自正月不

雨至于九月民流叛者甚衆

冬十月以竟陵王義宣

為南徐州刺史猶戍石頭

義宣先戍石頭而南徐州鎮京口蓋帶刺史而猶戍石頭

也

戊午立錢署鑄四銖錢

到彥之王仲德沿河置

守還保東平

東平郡時治須昌

乙亥魏安頡自委粟津濟河攻

金墉金墉不治既久

治直之翻

又無糧食杜驥欲棄城走恐

獲罪初高祖滅秦遷其鍾虞于江南

虞音巨

有大鍾没于

洛水帝使姚聳夫將千五百人往取之驥給之曰金墉

城已修完糧食亦足所乏者人耳今虜騎南渡當相與

併力禦之

將即亮翻給湯亥翻騎奇奇翻

大功既立牽鍾未晚聳夫從

之既至見城不可守乃引去驥遂南遁丙子安頡拔洛

陽殺將士五千餘人杜驥歸言於帝曰本欲以死固守

姚聳夫及城遽走人情沮敗不可復禁

沮在呂翻復扶又翻

上大

怒誅聳夫于壽陽聳夫勇健諸偏裨莫及也魏河北諸

軍會于七女津

七女津當在東平西北岸

到彥之恐其南渡遣裨將

王蟠龍泝流奪其船杜超等擊斬之安頡與龍驤將軍

陸侯進攻虎牢

按北史陸侯當作陸侯驤思將翻

辛巳拔之尹冲及榮

陽太守清河崔模降魏

降戶江翻抗節不降投壘死按後魏書模

考異曰宋書云模

仕魏為武城男
宋書誤也

秦王暮末為河西所逼遣其臣王愷烏

訥闐請迎于魏

闐徒賢翻又徒見翻

魏人許以平涼安定封之暮

末乃焚城邑毀寶器帥戶萬五千東如上邽

帥讀曰率考異曰

後魏乞伏國仁傳云為赫連定所逼遣烏訥等求迎宋氏胡傳云茂萇聞赫連定敗將家戶及興國東征欲移

居上邽今從十六國春秋

至高田谷

高田谷當在南安郡界未及至上邽也

給事黃門

侍郎郭恒謀劫沮渠興國以叛事覺暮末殺之

恒戶登翻

夏

主聞暮末將至發兵拒之暮末留保南安其故地皆入

于吐谷渾

自苑川至西平枹罕皆乞伏氏故地晉孝武帝太元八年歲在癸未乞伏國仁據隴西南

安亦其地也十一月乙酉魏主至平涼夏上谷公社干等嬰

城固守魏主使赫連昌招之不下乃使安西將軍古弼

等將兵趣安定趣七夏主自鄜城還安定將步騎二萬

北救平涼與弼遇弼偽退以誘之將即亮翻騎奇夏主

追之魏主使高車馳擊之夏兵大敗斬首數千級夏主

還走登鵜觚原鵜觚縣前漢屬北地後漢晉屬安定有鵜觚原唐天寶元年改曰靈臺縣屬涇

州鵜殊倫為方陳以自固陳讀魏兵就圍之壬辰加

征南大將軍檀道濟都督征討諸軍事帥衆伐魏帥讀

日率

下同甲午魏壽光侯叔孫建汝陰公長孫道生濟河而南

到彥之聞洛陽虎牢不守諸軍相繼奔敗欲引兵還殿

中將軍垣護之以書諫之以爲宜使竺靈秀助朱脩之

守滑臺自帥大軍進擬河北且曰昔人有連年攻戰失

衆乏糧猶張膽爭前莫肯輕退況今青州豐穰濟漕流

通濟子禮翻入濟同士馬飽逸威力無損若空棄滑臺坐喪成

業喪思浪翻豈朝廷受任之旨邪受當作授彥之不從護之苗之

子也垣苗邊將也武帝西征長安令苗鎮河濟之會俗謂之垣苗城祖子孫三世皆著功名於邊彥

之欲焚舟步走王仲德曰洛陽既陷虎牢不守自然之

勢也今虜去我猶千里滑臺尚有彊兵若遽捨舟南走

士卒必散當引舟入濟至馬耳谷口更詳所宜

馬耳谷口即馬

耳彥之先有目疾至是大動且將士疾疫乃引兵自清

入濟

水經濟水東北過壽張縣西界安民亭南汶水從東北來注之註云濟水又北汶水注之戴延之所

謂清口也郭緣生述征記曰清河首受洪水北流濟或

謂清即濟也禹貢濟東北會于汶今枯渠注巨澤巨澤

北則清水與汶會也京相璠曰今濟北東阿東北有故

清亭即春秋所謂清者也是濟水通得清之目焉亦水

色清深用兼厥稱是故燕王曰吾聞

南至歷城焚舟棄

齊有清濟濁河以為固即此水也

甲步趨彭城

趨七

竺靈秀棄須昌南奔湖陸青兗大擾

長沙王義欣在彭城將佐恐魏兵大至

將即

勸義欣委

鎮還都義欣不從魏兵攻濟南

濟南郡治歷城

濟南太守武進

蕭承之帥數百人拒之

晉武帝太康二年分丹徒曲阿立武進縣屬晉陵郡南渡後屬

南東海郡今奔牛青

城萬歲諸鎮皆其地魏衆大集承之使偃兵開城門衆

曰賊衆我寡奈何輕敵之甚承之曰今懸守窮城事已

危急若復示弱必爲所屠惟當見彊以待之耳

復扶又

通魏人疑有伏兵遂引去

承之蕭道成之父也

魏軍圍夏主數

日斷其水草

斷丁官翻

人馬飢渴丁酉夏主引衆下鶉觚原

魏武衛將軍丘眷擊之夏衆大潰死者萬餘人夏主中

重創單騎走

中竹仲翻良翻騎奇寄翻

收其餘衆驅民五萬西保

上邽魏人獲夏主之弟丹楊公烏視拔武陵公禿骨及

公侯以下百餘人是日魏兵乘勝進攻安定夏東平公

乙斗棄城奔長安驅略數千家西奔上邽 戊戌魏叔

孫建攻竺靈秀于湖陸靈秀大敗死者五千餘人建還

屯范城

即東平郡之范縣城也杜佑曰濮州范縣晉大夫士會之邑

己亥魏主如

安定庚子還臨平涼掘塹圍之

掘其月朔塹七飽翻

安慰初附赦

秦雍之民賜復七年

雍於用翻復方目翻除其賦沒也

夏隴西守將降

魏

將即亮翻降戶江翻

辛丑魏安頡督諸軍攻滑臺河西王

蒙遜遣尚書郎宗舒等入貢于魏魏主與之宴執崔浩

之手以示舒等曰汝所聞崔公此則是也才畧之美於

今無比朕動止咨之豫陳成敗若合符契未嘗失也

魏以叔孫建都督冀青等四州諸軍事

魏未得青州也使建督諸軍經

畧之

魏尚書庫結帥騎五千迎秦王暮末

魏書官氏志北方諸

姓庫傳官氏後改為庫氏帥

秦衛將軍吉毗以為不宜

內徙暮末從之庫結引還內安諸羌萬餘人叛秦推安

南將軍督八郡諸軍事廣寧太守焦遺為主

魏收地形志廣寧郡

治龍西鄭縣寧當作寧鄭縣後漢所置唐為渭州龍西縣地

遺不從乃劫遺族子長

城護軍亮為主

五代志平涼郡百泉縣後魏置長城郡

帥眾攻南安暮末

請救于氏王楊難當難當遣將軍苻獻帥騎三千救之

暮末與之合擊諸羌諸羌潰亮奔還廣寧暮末進軍攻

之以手令與焦遺使取亮十二月遺斬亮首出降暮末

進遺號鎮國將軍秦略陽太守弘農楊顯以郡降夏

武晉

帝分天水置略陽郡降戶江翻下同

辛酉以長沙王義欣為豫州刺史

鎮壽陽壽陽土荒民散城郭頽敗盜賊公行義欣隨宜

經理境內安業道不拾遺城府完實遂為盛藩芍陂久

廢義欣修治隄防

治直之翻

引河水入陂溉田萬餘頃無復

旱災

引肥河之水入芍陂也復扶又翻

丁卯夏上谷公社于廣陽公

度洛孤出降魏克平涼關中侯豆代田得奚斤娥清等

獻于魏主魏主以夏主之后賜代田命斤膝行執酒以

奉代田謂斤曰全汝生者代田也賜代田爵并陞侯

曹魏

置關中侯有爵未有邑猶秦漢之關內侯爵級在列侯下拓拔賞豆代田自關中侯進爵并陞侯則有邑矣而

亦非君有實加散騎常侍右衛將軍領內都幢將

百人為幢

幢有帥柔然之法也魏幢將主三郎衛士直宿禁中夏者自侍中已下中散已上皆統之將即亮翻下同

長安臨晉武功守將皆走關中悉入于魏魏主留巴東

公延普鎮安定以鎮西將軍王斤鎮長安壬申魏主東

還以奚斤為宰士使負酒食以從

宰士掌膳飲以斤敗軍失身辱之也時魏

有宰官尚書宰士並王斤驕矜不法信用左右調役百其屬也從才用翻

姓調徒

民不堪命南奔漢川者數千家魏主案治得實

斬斤以徇

治直之翻

右將軍到彥之安北將軍王仲德皆

下獄免官

下戶嫁翻

兗州刺史竺靈秀坐棄軍伏誅上見垣

護之書而善之以為北高平太守

南高平郡脩郡也屬南兗州北高平郡古

郡也屬兗州治湖陸

彥之之北伐也甲兵資實甚盛及敗還委棄

盪盡府藏武庫為之空虛

為于偽翻

它日上與羣臣宴有荒

外降人在坐

自南北分治各以其封畧之外為荒外降戶江翻坐徂卧翻

上問尚書

庫部郎顧琛庫中仗猶有幾許琛說對有十萬人仗

曹魏

置尚書二十三郎庫部其一也
掌戎器由簿儀仗琛丑林翻

上既問而悔之得琛對

甚喜琛和之曾孫也

顧和見九十卷晉
元帝大興元年

彭城王義康

與王弘並錄尚書義康意猶快快

快於兩翻

欲得揚州形於

辭旨以弘弟曇首居中為上所親委愈不悅弘以老病

屢乞骸骨曇首自求吳郡上皆不許義康謂人曰王公

久病不起神州詎宜卧治

治直之翻

曇首勸弘減府中文武

之半以授義康上聽割二千人義康乃悅

曇徒含翻

資治通鑑卷一百二十一



總校官庶吉士臣侍朝

校對官檢討臣王坦修

謄錄監生臣秦長馨